

MS. 40669

MS. 40669




10007

ACTII SYNCERI
SANNAZARII
ODÆ.

EIVSDEM ELEGIA
DE MALO PVNICO.
IOANNIS COTTÆ
CARMINA.

M. ANTONII FLAMINII
CARMINA.



ACTII SYNCERI

2 ANNALARI

ODA.

RIVSDEM ELEGIA

DE MALO PVNICO.

IOANNIS COTTE

CARMINA.

M. ANTONII FLAMINII

CARMINA.



ACTII SYNCERI
SANNAZARII NEAPOLI-
TANI VIRI PATRI
CII ODÆ.

ST mihi riuo uitreus perrenni

e Fons arenosum prope litus, unde
Sæpe discedens sibi nauta rores

Haurit an i ss.

V niaus nostris scatet ille ripis,

Montis immenso sitiente tractu,

V itifer qua pausilypus uadosum ex. —

Currit in æquor.

H unc ego uita redimitus alba,

Flore, & æstiuis ueneror coronis,

Cum timent amnes, & hiulca sæuam

Arua Leonem,

A nteq̃ festæ redeant calendæ

Fortis Augusti, superantq; patri

Quattuor luces, mihi tempus omni

Dulcius æuo,

ACTII SYNGERI

2 ANNANARIA

ODA.

EIVSDEM ELEGIA

DE MALO PVNICO.

IOANNIS COTTE

CARMINA.

M. ANTONII FLAMINII

CARMINA.



ACTII SYNCERI
S ANNAZARII NEAPOLI
TANI VIRI PATRI
CII ODÆ.

ST mihi riuo uitreus perrenni
Fons arenosum prope litus, unde
Sæpe discedens sibi nautæ rores
Haurit anni.

V niaus nostris scatet ille ripis,
Montis immenso sitiente tractu,
Vitifer qua pausilypus uadosum ex—
Currit in æquor.

H unc ego uita redimitus alba,
Flore, & æstiuis ueneror coronis,
Cum timent amnes, & hiulca sæuum
Arua Leonem,

A nteq̃ festæ redeant calendæ
Fortis Augusti, superantq; patræ
Quattuor luces, mihi tempus omni
Dulcius æuo,

Bis mihi sanctum, mihi bis uocandum,

Bis celebrandum potiore cultu,

Duplici uoto, geminaq; semper

Thuris acerra.

Nanq; ab extremo properans eoo

Hac die primum mihi uagienti

Phæbus illuxit, pariterq; dias

Hausimus auras.

Hac & insigni peragenda ritus

Sacra solennes ueniunt ad aras

Nazari, unde omnes tituli, meæq;

Nomina gentis,

Nazari uastas cohibentis undas

Aequoris, sæuosq; domantis æstus,

Quicquid & uani truculenta iussit

Ira Neronis.

O decus cæli simul & tuorum,

Rite quem parua ueneramur æde,

Cui frequentandas populis futuris

Ponimus aras,

Si mihi primos generis parentes,
 Si mihi lucem pariter dedisti,
 Huc age, & fontem tibi dedicatum

Sæpe reuise:—

Azari heu quis me tibi ad hanc supremam
 Littoris ripam, quis ad hos putasset
 Tethyos fluctus, quis ad has daturum
 Thura paludes?

Post tot emensos pelago labores,
 Tot pererratos populos, sub ipso
 Fine terrarum datur ecce amicum
 Cernere numen.

Ergo in extremis pater alme terris
 Barbaræ norunt tua sacra gentes,
 Qua latus dextrum Liger æstiuosis
 Obiicit undis.

Iamq; & Aulercos genus acre, & ipsos
 Cernis ad te Lexouios citato
 Effedo, & picta uolitare flauos
 Puppe Britunos.

O mihi semper geniale cæli
Sydus, o famæ decus omne nostræ,
Author o idem mihi gentis, & spi—
Rabilis auræ.

S e tibi debet proauorum origo, &
Sanguinis si sunt decora ulla nostri,
Debet & præsens genus, & futurum,
Debet & hæc lux

S acra, quæ magnum mihi prima solem
Obtulit nascenti, & inane aperti
Aëris, pulchrosq; micantis æthræ
Tot simul ignes,

H inc tuis per me dare grata templis
Munera, hinc natalitias coronas
Annuis suevit sociare fertis,
Dum fuit hæc sors.

N unc in ignotis uagor ecce campis
Regis heu cari exilium secutus,
Dum fides, & fas, & amor, piusq;
Me rapit ardor.

I puer, buxum nemore ex propinquo

Collige, & siquas tibi litus offert

Quercuum frondes, celebrare mæstum

Sic iuuat annam.

O ubi dulces patriæ recessus

Ablais sebethe, loca illa myrto

Consita, o qui Pausilypi uirentes

Det mihi citros,

Qua tuum lambens maris unda fontem

Margines parui minuit sacelli,

Nostrium opus, quo se recreet quotannis

Læta iuuentus,

Quæ tibi sacris operata arenis,

Fronibus remos, celeresq; cymbas

Ornat, & forsân mea nunc, ut olim,

Dona requirit.

H eu pater, cur heu mihi ad institutos

Non licet iam iam properare cursus?

Cur uetor templis, & adesse ludis

Rite dicatis?

it satis uentos tolerasse & imbres,
Ac minas fatorum, hominumq; fraudes,
Da pater tecto salientem auito

Cernere fumum:—

Vpis o sacræ, pelagiq; custos

r Villa nympharum domus & propinqua
Doridos, regum deus ipsa quondam,
Delitiæq;

Nunc meis tantum requies amœnis,

Urbis inuisas quoties querelas,

Et parum fidos popularis auræ

Linquimus æstus.

Tu mihi solos nemorum recessus

Das, & hærentes per opaca laurus

Saxa, tu fontes, Aganippidosq;

Antra recludis.

Nam simul te te repeto, tuasq;

Sedulus mecum ueneror Napæas,

Colle Mergillina tuo repente

Pegasis unda

E ffluit,

Effluit, de qua chorus ipse Phœbi,
 Et chori Phæbus pater, atq; princeps
 Nititur plures mihi iam canenti
 Ducere riuos.

Ergo tu nobis Helicon, & udæ
 Phocidos saltus, hederisq; opacum
 Thespiæ rupis nemus, & canoro
 Vertice Pindus.

I puer blandi comitem laboris
 Affer e prima citharam columna,
 Affer & flores, procul omnis a me
 Cura recedat.

Principis nostri decus, atq; laudes
 Fama per latus spatiosa terras
 Euehat, qua sol oriens, idensq;
 Frena retorquet,

Quaq; non notos populos, & urbes
 Damnat æternis Helicæ pruinis,
 Quaq; feruentis cumulos arenæ
 Dissipat auster.

Ille crescentes ueneratus annos
Vatis antiquum referentis ortum
Stirpis, & clarum genus, & potentum
Nomen auorum,
Contulit larga numerosa dextra
Dona, & ignauæ stimulos iuuentæ
Addidit, syluas, & amæna musis
Ocia præbens:—
Vm uehor picto uacuis phasello,
Et modo septos iaculis echinos,
Nunc bene hærentes scopulis laboro
Vellere conchas,
Tange uocales studiosa chordas
Musa, & auratum moderare plectrum,
Pauca de multis referamus actæ
Regis amati,
Qualis herbofo spatiata campo
Virgo iam matris deus, & uoluptas
Nectit e solis uiolis coronam
Cætera linquens,

Hic ubi ueras imitata turre
 Tot simul pinnis, niueisq; tectis
 Rupe Mergillina sedens propinquum
 Spectat in æquor.

Adsit ex imo Galatea fundo
 Nil timens sæuos Polyphemi amores,
 Nec mihi durum refluens canenti
 Obstrepat unda.

Sit licet magnus, trepidasq; turmas
 Fregerit primus Federicus ausis,
 Cum puer celsas penetrauit alpes,
 Saxaq; Rheni,

Texerit latis pelagus carinis
 Dalmatum dites populatus urbes,
 Senferit presso prope fulminantem
 Ore Timaeus,

Cinxerit sacra meritum corona
 Et caput, Gallos quoniam feroces
 Contudit, totas reuocarit orci ex
 Faucibus urbes,

N il tamen maius, nihil egit unq̃

Fortius, q̃ quod titubante regno

Cum sibi sceptrum, & diadema posset

Sumere tutus,

C onjugem caram, propriosq; natos

Liquit & fidas lacrymas clientum,

Fratris heu pulsam sobolem secutus

Per mare uasum.

E rgo nunc illi moderator alti

Aetheris, cui sunt pia facta curæ,

Regium frontis decus, & negatos

Reddit honores.

O Fides rarum, placidumq; numen

O mihi nullas reticenda seclis,

Te te ego æternum prece, uictimisq;

Pronus adorem :—

Taure, presens qui fugis periculum,

o Nam te nec odio, tædio ue tam bonas

Spreuisse syluas, tam bonos putem laas,

Dic, quis propinquas nubibus tibi iuga

Molestus inuidet, iuga illa tam tuis
 Sudata cornibus, tuisq; praeliis
 Deiecta? quis saltus, & amnium uberes
 Cursus, torosq; marginum uirentium,
 Quis uda riuus prata, quis recondita
 Nemora, quis umbras sibilantium arborum
 Male aduocatus abstulit tibi deus?
 Non amplius uidebis ah miser, ah miser
 Amata regna, non uidebis amplius
 Tuos amores, non licebit heu tibi
 Posthac cubanti sub genistulis tuis,
 Mollie fulto niueum amaraco latus
 Audire uoces ruminantium gregum,
 Meridianum non inire somnulum.
 Quæ nunc adibis tesqua, quæ petes loca
 Miselle taure? quas subibis i licet?
 Vbi myricæ, ubi uirentis arbuti
 Iucunda sedes, ubi salicæ, & omnibus
 Eheu iuuentæ præferenda pascuis?
 Iuuentæ, solos quæ relicta ad aggeres

Padi sonantis, heu malum sororibus
Omen, gementes inter orba populos
Te te requirit, te reflagitat suum.
Implet querelis nemus, & usq; mugiens
Modo huc, modo illuc furit, amore perditæ
Omnia peragrat arua, lustrat omnia,
Nunquid bisulcæ signa cernat ungulæ.
Quærit per alta montium cacumina,
Quærit per ima uallium cubilia
Memor locorum, non tamen sui memor.
Te mane primo, te rubente Vespere
Luget, nec illam, Luna cum recurreret
Cælo, nec atræ noctis alma sydera
Videre dormientem, abire flumina,
Abire solem, abire cernit omnia,
At ipsa mæstam sola non abit domum
Humi recumbens, strata sub nudo æthere.
Hanc & puellæ nemorum, & ipse corniger
Sylvanus aspicit, hanc bubulaus intuens,
Miser bubulaus, nec iuuare eam ualens,

Tantum, quod unicum in malis refugium habet,
 Suspirat, ingemit, deum inuocat fidem
 Iratus ursi, quod coegerint procul
 Abire syluis albulum iuueniculum,
 Et tam uerustiam clamitare buculam:—

Etus delitiæ tuæ Dione,

P Vni cui charitum sales beatos,

Cui fontes dederas facetiarum,

Ac risus simul eleganter omnes,

Petus mortuus est tuus Dione,

Petus compater usq; ad astra notus,

Qui puro niuæ colore mentis

Vincebat paphias tuas columbas,

Vincebat nitidissimos olores,

Cui de lacteolis tuis papillis

Donarunt uiolas Ioasq; Amorq;

Donauit teneram Thalia myrtum,

Mox promens citharam decentiorem

Versus addidit eruditiores.

O seuæ nimium, malæq; parca.

Vestros non potuit tenere fusos
etus, qui rapidas domare tigres,
Qui duras potuit mouere quercus,
Vestras non potuit colos morari,
Vnam non miser impetrare lucem.
Sic sic occidis heu miselle Pete,
Nec te Pierides tuæ, nec ipsa,
Quæ te per Paphon, & Gnidon uirentem,
Per colles amathuntios uocauit,
Fatis eripuerè tam malignis.
At non unanimes tui sodales,
Quos tu pectore tam pio colebas,
Quos tristes obitu tuo relinquis,
Hoc duro tibi defuere casu.
Quin me trans Ligerim, ferosq; Celas
Lustrantem Morinum pigras paludes,
Dum quæro oceanî ultimos recessus,
Veris nuncius obruit querelis.
Ergo quid tibi tam uagus uiator,
Cui nec pulchra Neapolis, nec alti

Colles

Colles Pausilypi, nec ipse adesse
 Sebethos pater, aut pater Vescuus,
 Inferre exequiarum amice possem?
 Rupem, quam uagus hinc & inde Nereus
 Alternata ueniens retundit unda,
 Accessi, & procul angulo in supremo
 Stans supra pelagi alluentis æstus,
 Manes terq;, quaterq; conuocavi,
 Hic fudi lacrymas amariores,
 Hic uici gemitus uel unus omnes,
 Omnes & simul omnium querelas,
 Mox, quamuis cineri tuo decentem
 Pontanus tumulum pararit, ac te
 Cognatas ueneretur inter umbras,
 Quauis & diuturnius sepulchrum
 Diuinis parat excitare chartis,
 Nostrum non tibi qualecunq; munus
 Inter frigora, solitudinesq;
 Cessauit, nec honore te supremo
 Fraudauit miser, hoc scit ipsa Thetys,

Scit late oceani unda gallicani.
Stant aræ tibi, stat uidenda nautis
Terreni tumuli pusilla moles,
Et buxus super, & dicata quercus,
Nam myrtum regio illa non habebat.
Quæ iussit pietas sacrare, ut esset
Naturæ tibi terminus sepulchrum:—

Mit sepulchro prædium Vetustinus,
Sed quod futuros non sequatur heredes,
Iratæ æque mortuisq;, uiuisq;,
Scribiq; curat grandibus notis demens
Viginti in agro, in fronte ter pedes octo.
Habitat sub urbe scandulis tribus tectus,
Ne pensione iam grauetur aut sumptu,
Dormit grabato, quo nec ipse iam uellet
Dormire cimex, nec lacerta, nec sorex,
Cænat per hortos alliumq;, cæpasq;,
Et salgamorum iure liuidos caules,
Vel siquid optat unctius sibi poni,
Piscatur ipsis in paludibus ranas,

Aut e cloaca colligit meras sordes,
 Putrem palumbum, mortuum ue caponem,
 Et doliorum turbidam bibit fecem,
 Tanq̃ falernum consulare, uel chium,
 Opimianæ quod refuderint cellæ,
 Nec iam profestis hoc, sed idibus tantum,
 Sacrisq; potat ferculis calendarum,
 Et mane ueste currit anxius rapta
 Ad architectos, marmorumq; sectores,
 Ut de sepulchro conserat nouas lites,
 Quos iam misellos pessimis modis multat,
 Ducit, reducit, distrahit, rapit, uexat
 Per angī portus, uiculosq; cliuosq;
 Et per ruinas urbis, & per anfractus,
 Monstrat theatra, porticusq; priscorum,
 Arausq; claris principum sacros armis,
 Hinc & decorum templa, & obrutas thermas.
 Et quicquid altis formam subest cliuis,
 Nec iam fauissas linquit aut nigros manes.
 Domum trecentis cum laboribus fractos,

Et aestuantes pariter, & fame siccos
Vix officinae post meridiem reddit
am feriatæ, uel libusq; adhuc clausæ.
Culpat coronas, Zophorumq; permutat,
Spiras reformat, & scapos columnarum,
Et nunc hetruscas, nunc corinthias mauult,
Nunc atticarum laudat angulos tantum.
Quid cum columnis nunc tibi Vetustine
Aut cum triglypho, ionicisue puluinis?
Dormi misellæ, sat diu laborasti,
Cœnare fessos & aliquando permitte.
Vel si sepulchri cura te coquit tanta,
Cadauer istud sterquilinio condes: —

EIVSDEM ELEGIA DE
MALO PVNICO.

Vid miser ignotas perquisis nauita gentes,
 Et tam longinquo littore quæris opes?
 Nec te uentorumq; minæ, pelagiq; procellæ,
 Non terrent dubiæ tædia mille uiæ.
 Aspice, q̄ tenui uelemus cortice gemmas,
 En tibi, quicquid habent littora rubra, damus.
 Seu uis purpureo mites fulgore hyacinthos,
 Seu mauiis fuluo lumine chrysolithos.
 Sed rude diuitias extollit uulgus inanes,
 Nec nouit, quantis sit caput inde malis.
 Diuitiæ fera bella uiris, letumq; tulerunt,
 Nam prius æterna pacæ uigebat humus.
 Diuitijs natoq; pater, natusq; parente
 Cæditur, & caro fratre uerenda soror.
 Nec tantum sæuæ tractant aconita nouercæ,
 Sed iugulat partus mater auara suos.
 Adde, quod & gemmæ solo fulgore probantur.

Et uix ascitus quæritur arte decor .
At nobis natura oculos tardare iuenteis ,
Et dedit arenti pellere ab ore sitim .
Nec nostræ populos armant in prælia gemmæ ,
Nec suadent magnos clam uolare deos .
Sed semper placidis uisunt conuiuia mensis ,
Sunt ubi iuando pocula plena mero .
Illic nos teneræ uir porrigit ipse puellæ ,
Porrigit & cupido fida puella uiro .
Pacis opus sumus , & pacati munus amoris ,
Quod capit a satyro nais amata suo .
Nec temere infernis cum nos gustasset in hortis ,
Noluit ad matrem nata redire suam .
Nos quoq; , dum libycos errat Pomona per agros ,
Obstupuit pleno fracta rubere sinu .
Ac rarum mirata deus , mirata saporem ,
In sua de patrio transtulit arua solo .
Ergo puniceæ laus hæc & gloria syluæ ,
Vincere gemmiferi lucida dona maris .
Pallentiq; graues depellere corpore morbos ,

Aëraq; pæonijs ora leuare modis.
 Quod nec erythræi præstabunt littora ponti,
 Non opibus pollens indicat terra suis.
 Tu uero, duplici fulgent cui tempora lauro,
 Militiæ, & sacri dux Aquiuine chori,
 Accipe nos laudum contentus luce tuarum,
 Muneraq; inuisæ despice luxuriæ.
 Et seu carminibus, seu delassaberis armis,
 Diluat exundans hæc tibi gemma sitim:—

IOANNIS COTTÆ

CARMINA.

Mo, quod fateor, meam Lycorim,
 Vt pulchras iuuenes amant puellas,
 Amat me mea, quod reor, Lycoris,
 Vt bonæ iuuenes amant puellæ.
 Huic ego, ut semel hanc uidere uisus
 Se se ostendere fixiore oculo,
 Quando inquam mea lux mei laboris

Das mi præmiolum, meiq; cordis
Tot incendia mitigas Lycori ?
Hic illa erubuit, simulq; risit,
Ridebat simul, & simul pudebat,
Dumq; molliculos colens amores
Simul uirgineum colit pudorem,
Quid negem tibi, dixit, & capillum,
Qui pendens leuibus uibratur auris,
Et formosa uagus per ora ludit,
Hunc secans trepida, implicansq; in auro,
Hæc fila aurea, & aureum capillum
Pignus inquit habe meiq; amoris,
Meiq; ipsius, hoc tuum puellæ
Tuæ pignore lenias calorem.
E heu quid facis, hei mihi Lycori
Hæc sunt flammea texta non capilli,
Sunt hæc ignea uincla, ni relaxer,
Qui tanto ualeam ualere ab æstu ?
An ne ignem iuuat ignibus perire ?
Comæ flammeolæ subite flammæ.

Crines

Crines igneoli uenite in ignes,
 Sat me flammea uincla nexuistis,
 Nunc uos soluimini, & subite flammæ,
 Vssistis nimis ignei capilli,
 Nunc uos urimini, & ualete in ignes.
 Hos meos age lætas ignis ignes
 Pergere extinguere, tuq; flamma flammam
 Exedas, mea corda quæ exedebat.
 At tu, sic reliqui tui capilli
 Vernent perpetuum tibi Lycori,
 Quod tuos ferus ufferim capillos,
 Parce, nam uolo amare, non peruri:—

Factum lacrymabile, atq; acerbum,

• Nunc certe lacrymaberis Lycori,

Digna res lachrymis, tuoq; luctu,

Nanq; lumina nostra, lumina illa,

Illa lumina, quæ Lycori amabas,

Quæ tuis solita anteferre ocellis,

Non sunt lumina, sed malæ tenebræ.

Illa, ut impia fata te Lycori

• bñulere mihi, tuoq; longo
Ie a uultu uoluere abesse caro,
n riuos abiere lacrymarum,
Quodq; amarius, atq; præter omnem
Lacrymabile cogitationem,
Quantumcunq; habuere lacrymarum,
Iampridem euomere, nunc ad ipsum
Ventum est sanguinem, ab intimoq; cordis
Ducto flumine turgidi, horridiq;
Sanguinem lacrymant miselli ocelli,
Et cum sanguine amata diffluit lux,
Ac sic eneuere seq;, meq;,
Dum meum miseri igneum furorem
Querunt diluere, & rigare mentem,
Heu mentem Enceladi, Typhœiq;
Æstiuosa anima æstuosiore:—

Am ualete boni mei sodales

I N augeri optime, tuq; amice Turri,

Vere candidi, & optimi sodales,

Quos nunquam sat amauerim, licet uos

Quam fratres mage, quamq; me ipsum amarin,
 Quibus perpetuum frui per ævum,
 Vota si mea du audiant benigni,
 Sit una ampla animi mei uoluptas,
 Verum dura necessitas repugnat.
 Inuitumq; alias adire terras
 Cogit, atq; alios parare amicos.
 Vos ergo memores mihi esse uestri
 Fixam in pectore imaginem, bonamq;
 Vobis partem animæ meæ reliqui,
 Iam ualete boni mei sodales,
 Dulces, candiduli, & boni sodales:

Erona qui te uiderit,
 Et non amarit protinus
 Amore perditissimo,
 Is credo seipsum non amat.
 Caretq; amandi sensibus,
 Et odit omnes gratias: —

Cellæ fluminum Calor, Calor pulcher,
 Calor bonarum cura, amorq; Nympharum,

em, cœrulum fouens caput sinu blando
Montella secum amore uincit æterno,
Dic o mihi amnis conscie, an ne nunc forte
Pulchra illa, simplexq; adeo, & omnibus felix
Soluta curis mea Rubella per ripas
Tuas oberrat? & uel ex odoratis
Pingit corollas floribus, uel in densa
Sylua sibi suauī sopore blanditur?
An ne potius cum æqualium choro ludit,
Qua primum oriris ipse, quaq; miscetur
Nitens nitenti Balnius Politinæ,
Tuosq; læti confluunt in amplexus,
Argenteumq; pedem, atq; nuda formosos
Artus per undam, & aureum lauit crinem?
Sic est. ibi illa membra eburnea, atq; ipsas
Papillulas beata frigeras lymphæ,
Atq; inde flammeo calore concepto
Huasq; flammæ in mea ossa transmittis,
Dum te subinde candidæ memor nymphæ,
Qua iam recepta Samnij tumes unda,

s amni & uetustas limpidus rigas urbes,
 Exul, miser, suspiriosus inuiso.

At tu Calor, sic olim amœnus auratis
 Dicere cornibus, arduusq; Vulturno
 Ferare uictō, illiq; iam auferas nomen,
 Fontem ad tuum recurre, dic meæ luci,
 Meo te ab igne posse sæpe sicari,
 Meo nisi de fletu identidem crescas,
 Dic, me amplius nequire tanta cœlare,
 Nequire ferre uulnera, ac mori semper,
 Tum si ipsa prorsus haud sit immemor nostri,
 si fors amara illi mea, & fides grata,
 Dic me libenter ferre, quidquid est duri:—

Quæ alma grato carmine fortium

• Mori Thalia facta uetas uirum,

Nunc & per ora Luianum

Omnium, & omne feras per æuum.

Dic ut superbæ contuderit minas

Germaniæ, atq; a Cæsare barbaro

Fessæ tot annos imminentem

Ausoniae arcuerit ruinam.

Nam quis malorum heu heu ueterum *

Non expauebat? cum populos truces

In nos remotis usq; ab oris,

Quae glacie riget Amphitrite.

Audiret armari, aspera; alpium

Iam uincere altis cum niuib; iugis

Feris inaccessa, atq; fines

Vndiq; iam populare nostros?

At Liuianus in trepidis docens

Audere rebus, qua uiolentior

Vis hostium ingruit, citatis

Obuius agminibus cucurrit.

Ductore tandem hoc scilicet italos

Videre montes insoliti manus,

Tormenta, atq; equos, & arma

Alpicolae stupere Fauni.

Tandemq; nostra impune nimis diu

Bacchati in arua Theutones horridi

Sensere in antiquumq; robur,

Inq; nouum Marium incidisse,

Cum caesa, pubis flos Alemanicae.

Repente in alta ualle Cadubrij

Phalanx niues cruore tinxit

Purpureo rapidumq; plauem.

A rx & recepta est, pectora milium

Cum saeva nostrorum ardua non uis,

Non saxa, non arcere muris

Terrifici potuere nimbi,

Cadente athena fulminis in modum

Contorta ab igni sulfureo pile,

qua terra subsultat, nigerq;

Cum sonitu ferit astra fumus.

D irum repertum, & ingenium male

Sagax, sacrumq;, quo truculentius

Nil inuenire atrox Megæra.

Sæua nec ira potest deorum.

Sed cuncta præsens horrida temnere

Dux acer urget, hunc sequitur cohors

Secura, præsentemq; moræm

Magnanimo duce freta uincit.

D iis cura nostri est, ac uenerus pater

Probe latinæ consuluit rei,

Cum ius tibi omne copiarum

Liuiane tribuit suarum.

C orneliumq; mox socium dedit

Magno e senatu, cui sapientia

Insignis, ac fortuna auorum

Scipiadam reparant honores.

N on imperatorem ille queat sibi

Optare, Mauors quem mage diligit,

Non tu senatorem ferendis

Consilijs animosorem.

V os nuper hostium unanimes feram

Fregistis audaciam, ac pauidos patres

Firmaſtis, ac suam attuliſtis

Semianimis populis quietem.

V os iam timebit barbarus, ac suis

Pedem cauebit tollere finibus,

Ni læua mens, dijq; nostros

Adcumulare

Ad amulare uolunt triumphos:—

E tua ne mea mi cane carmina cara Lycon

n Mi uox ista auida haurit ab aure animam

Et uela faciem, me me liquat ipsa uidendo,

Et trahit intentis ex oculis animam.

Et mihi conde sinum, istis dum paro pressa papillis

Basia, mi rapiunt ore ab anhelato animam.

Nec mi ostende manum, illa mihi potis est aperire

Pectus, et e medio euellere corde animam.

Et mi ostende aliquid, moribundo abit agra mihi mens,

Nil uideo, cum te lux mea non uideo.

Quid tamen optarim ostendi mihi, quid tibi in isto est

Corpore, qua uiso non subito peream?

Tolle precor tunicam tantillum, et pascere ocellos

In pede languentes me sine candidulo.

Sed quid ego optaui, mihi paulo ante iste tuus pes

Me incessu tenero dimidium abstulerat.

Quod si tunc imis e uestibus exerisset

Vnum uel minimum forte aliqua diginum,

Linquere me cupide uidisses, me simul omnem

E

Affusum dulci dulcæ mori digito
Vtrum age iam cane lux mea, iam mihi lux mea tota
Te rege, atq; omnes mi fac delicias.
Nam si mors obeunda, inhians in te mea malim
Vita mori, quod uita est mihi amabilius,
Quam tristis desiderio tabescere amati
Corporis, unde miser sim, & decuplo peream:
Aparion ego sum, quem uiuum maxime amant
Liuiades, tumulum post dedit & titulum.
Plura cani ingenue de se sibi non licet, at mi
Nunc audita meo accipe de domino.
Latrantem me forte phalanx germana per umbras
Vt nouit, de more affore herum timuit,
Et fugit trepida, at ridens ait una dearum,
Quæ ante Iouis solum ferrea pensa trahunt,
Ne trepidate, semel satis est cuiuisse, neq; illum,
quem fugitis, prius huc fata uenire sinent,
Quam Gallos male fœdis fragos demiserit orco,
Et quisquis uexat barbarus Italiam.
Quisquis ades, domino hæc referas rogo, hæc quoq; pauca
Addito, amat te etiam trans Styga Caparion:—

M. ANTONII FLAMINII

CARMINA.

HYMNVS IN PANA.

Am satis cecini fera

Regum praelia, nunc age

Mater Pieri, quem deum,

Quem dulci æoliæ fidis

Plectro rite canemus?

An te lanigeri gregis,

Sylvarumq; uirentium

Custos, cui nigra Mænali

Terga, cui gelidi placene

Summa templa Lycæi?

Nymphæ semiferam Iouis

Prolem dicite, dicite

Pana capripedem, leues

Suetum cum Dryadis choros

Syluis ducere in altis.

n ut grata silentia

Cantu noctiuago deus

Rumpit . cernite , io uenit ,

En uenit capitis feri

Serta pinea quassans .

H uc concurrite uirgines

Intactæ , & pueri integri ,

At quibus scelera impia

Mentem sollicitant , procul

Hinc abeste profani .

A bsint & querimonie ,

Et mistus lacrymis dolor ,

Hic lætis choreis dies

Ducenda , hic leue tinnula

Carmen uocæ sonandum .

O Pan Naiadum pater

qui per deuia montium ,

Valliumq; reconditarum

Agrestes agitas canum

Cinctus agmine lyncas ,

Te diuum, atq; hominum sator
 Sylvarum dominum dedit
 Esse, qua roseus dies
 Surgit, quaq; cadens rubris
 Ponti mergitur undis.

Tu fontes liquidos gregi, &
 Læta pabula sufficis.
 Tu custos ouium potens
 Dictus mollia candidis
 Exples uellera lanis.

Quos tu sancte pio semel
 Agnos lumine uideris,
 Illos nec stabulis lupo
 Infestus rapiet, mala
 Nec contagia lædent.

Felices nemorum comæ,
 Quæ te, cum uaga roscidus
 Vesper sydera protulit,
 Dulci carmina fistula
 Audiuere canentem.

unc puræ melius nitent

Noctis conscia sydera,

Tunc auræ Zephyri tacent.

Tunc lætas croceis humus

Spargit floribus herbas.

Non tam dulcæ sonat cadens

Vdo in gramine cygnus, aut

Veris tempore floridi

Ales sub sylvæ querens

Densis Daulias umbris.

Ergo Hamadryades deę

Limpidis ubi procubat

Vmbra saxea fontibus,

Ludunt in numerum, & leui

Campos ter pede plangunt.

Tu uero choream regens

Cantus ingeminas, sonant

Lætis omnia plausibus,

Et cultrix nemorum gemit

Imis vallibus Echo.

Mox fessa Dryadum agmina
 Propter gramineam sedena
 Ripam fluminis, hic ubi
 Dulcem mollis Amaraeus
 Late spirat odorem.
 Et dum suave rubentia
 Carpunt mala, uel aureos
 Crines frigidulis aquis
 Immergunt, liquida simul
 Vocæ carmina dicunt.
 Vt fulgentia sydera,
 Et magnas superum domos
 Linquens ad uaga flumina
 Pauerit niueas oues
 Maia clara propago,
 Qua Cyllenia uerticem
 Rupes umbriferum nigris
 Late fontibus irrigat.
 Et gratas pecori uago
 Semper sufficit herbas.

Hic flauę Doriles sinus
In molli recubans deus
Cælo frondiferum nemus
Præfert, heu nimium graui
Victus uulnere Amoris.

At felix Dorile nouem
Post fastidia mensium
Optatum ex utero dedit
Pondus, uix puer hauserat
Dias ætheris oras,

Fugerunt Dryades, parens
Fugit territa, nam inguinum
Tenus hircus olens erat
Infans, binaq; flammeæ
Stabant cornua fronti.

Tunc illum genitor ferens
Albis pellibus abditum,
Ad magni solium Iouis
Venit, nec mora, risit im-
Mensi rector olympi,

Riserunt

R iserunt superi, at Venus

In sinu puerum tenens

Visus pascit amabili

Monstro, gratiq; turgidæ

Libat oscula fronti.

S alve o Naiadum potens,

Salve, & hinc lacrymabiles

Morbos, & miseram famem in

Extremas Arabum domos,

Et feros age Turcas: —

HYMNVS IN BONAM

VALETVDINEM.

Iua funestis inimica morbis,

d Cui vigor mentis, solidumq; robur,

Et ioci dulces, animiq; semper

Gaudia cordi,

T e Voluptatis animus parentem,

Candidam blandæ Veneris sodalem.

Vnicum uitæ decus, & malorum

Dulce leuamen,

nam colunt sancte iuuenes, senesq;
Quam sibi cuncti cupiunt suisq;
Nam simul cætus hominum, aduocæ

Alma reuifis,
Illiæ morbi fugiunt proterui,
Occidit Febris truca lenta, dirus
Occidit pallor, fera Mors profunda
Exulat orco,

A t domus florent pueris, senesq;
Induunt fortem uirides iuventam,
Et Venus terras colit, et Lyæus.
Et bonus Hymen.

O quies rerum, o hominum benigna
Mater, o cunctis ueneranda, nanq;
Quid potest gratum sine te, quid ulla
Dulce uideri?

H uc ades nostrum miserans laborem,
Siue te cæli tenet aula, siue
Insulis molles choreas beatis
Lætu frequentus.

Huc ades tandem bona diua, & artus
 Languidos aura refoue salubri,
 Ne meam tabes edat immerentem

Atra iuuentam:—

HYMNVS IN DIANAM.

Tæ quis tacitam sinat

O castissima cœlitum,

Cultrix o Erymanthij,

Cynthijq; recessus?

Te chori, & ciitharæ iuuant,

Te iuuat strepitus canum

Audire, & celeres feras

Acri figere cornu.

At cum sol abit aureus,

Tu perfusa liquentibus

Vndis oceani uago

Lustras æthera curru.

Curru lucida sydera

Secstantur pede candido,

asciuas meditantia
ura nocte choreas.
ne syluæ memor aureos
Flores, & uiolaria,
Et paruas segetes leui
Nutris humida rore.
I u ferum mare temperas,
Tu Noti, & pluuiæ potens,
Tu partus aperis prece
Ter uocata puellæ.
Salue Dux bona syderum,
Altorum dea montium
Salue, uotaq; uirginum
Audi rite precantum: —

HYMNVS IN AVRORAM.

Cce ab extremo ueniens eoo
e Roscidas Aurora refert quadrigas,
Et sinu lucem roseo nitentem
Candida portat.

I te pallentes tenebræ sub oraum,
 Ite, quæ tota mihi nocte diros
 Manium uultus, mihi dira semper
 Somnia fertis.

D a lyram uati puer, ipse flores
 Sparge, dum canto. bona diua salue,
 Quæ tuo furuas radiante terras
 Lumine lustras.

E n tibi suaues uiolas, crocūq;
 En odorati calathos amomi.
 Surgit, & nostros tibi dulcis aura
 Portat odores.

D eferat laudes utinam precesq;
 Quas tibi supplex mea Musa fundit,
 Iam pio sanctos bene docta diuos
 Tollere cantu.

Q uis tuam digne celebrare lucem
 Possit o almæ genitrix diei?
 Quis tuam formam o dea ante diuas
 Pulchrior omnes?

*et genas cælo roseas, comamq;
Auream profers, tibi fulua cedune
Astra, decedit rutilante uicta*

Luna decore.

*Te sine æterna iaceant sepulti,
Nocte mortales, sine te nec ullus
Sit color rebus, neq; uita doctas*

Culta per artes.

*Tu grauem pigris oculis soporem
Exautis, leti sopor est imago,
Euocans tectis sua quemq; lætum ad*

Munia mittis.

*Exilit stratis rapidus uiator,
Ad iugum fortes redeunt iuuenti,
Lætus in syluas properat citato
Cum grege pastor.*

*A si amans caræ thalamum puellæ
Deserit flens, et tibi uerba dicit
Aspera, amplexu teneræ cupito a--
Vulsus amicæ.*

Ipsæ amet noctis latebras dolosæ,

Me iuuet semper bona lux, nitentem

Da mihi lucem dea magna longos

Cernere in annos: —

Fons Melioli sacer,

• Lympha splendide uitrea,

In quo uirgineum mea

Lauit Delia corpus,

Tuq; leuibus enitens

Arbor florida ramulis,

qua latus niueum, & caput

Fulsit illa decorum,

Et uos prata recentia,

Quæ uestem nitidam, & sinum

Fouistis tenerum uuida

Læti graminis herba,

Vosq; Auræ liquidi æteris,

Nostri conscie amoris ad--

Este, dum queror, atq; uos

Suprema alloquor hora.

Si sic fata uolunt fera,
Si sic est placitum deis,
Ut nobis Amor impia
Morte lumina condant,
Saltem pro pietate mea
Hoc concedite, frigidum
Ut corpus liceat mihi
Vestra ponere terra.
Sic satis moriar libens,
Si spes hæc ueniat simul,
Quod nullo melius loco hos
Linquet spiritus artus.
O si tempus erit modo,
Cum suetum huc adiitum ferat,
Quæ nos ante diem nigros
Cogit uisere manes,
Et locum aspiciens, ubi
Illo purpureo die
Me uidit, miserum suis
Multum quærat ocellis.

Sed

Sed iam frigida puluerem
 Inter saxa uidens, statim
 Pectore ardeat intimo, &
 Me sic fata reposcat,
Vt uite ueniam impetret,
 Et cogat superos suum
 In uotum humida candido
 Tergens lumina uelo.
Pulchris undiq; ramulis
 Inſtar umbris in aureum
 Manabant Dominae ſinum
 Flores ſuaue rubentes.
Talis idalia Venus
 Sylua, ſub uiridi iacet
 Myrto, puniceo hinc & hinc
 Nimbo teſta roſarum.
Hic flos purpureas ſuper
 Veſtes, hic ſuper aureas
 Crines, hic roſei ſuper
 Oris labra cædebat.

Ille gramine roscido
Insterni, hic uitrea super
Lympha nare, alius cito in
Gyrum turbine uerti.
Leni murmure candidum
Audisses Zephyrum tibi
Palam dicere, regnat hic
Blandi mater Amoris.
Tunc mecum ter, & amplius
Dixi, aut uenit ab æthere
Hæc alto, uel Ore adum
Certe sanguinis una est.
Sic & blanda proteruitas,
Sic & uirgineum decus
Oris, uerbaq; dulcia
Memet abstulerant mihi,
Vt suspiria ab intimo
Fundens pectore, sæpius
Dicerem, huc ego qua uia,
Quo ue tempore ueni?

Nam super nitidum æthera
Euectus uolucris pede, &
Magni concilio Iouis
Interesse uidebar.

I llo ex tempore frigerans
Fons, & prata recentia, &
Arbor florida sic mihi
Mentem amore reuinxit,
Vt seu nox tenebris diem
Pellit, seu rapidum fugit
Solem, non alia miser
Vnquam sede quiescam:—

Ii, quibus tam Corytius uenusta
d Signa, tam diues posuit facellum,
Vlla si uestros animos piorum
Gratia tangit,

Vos iocos, risusq; senis faceti
Sospites seruate diu, senectam
Vos date & semper uiridem, & falerno
Vsque madentem.

t simul longo satiatu ævo

Liquerit terras, dapibus deorum

Leuis intersit potiore mutans

Nectare bacchum:—

Bibo Syluæ, nam Gibertus acciuit,

Carissimæ Syluæ mihi, tamen uerum

Fatebimur, multo ille carior uobis.

Quod si Giberto in hac recondita ualle,

Saltuq; uestro nos dei frui uellent,

Si nunc legendo, nunc iocando securam

Quiete uitam degeremus in dulci,

O quid hilarius, quid beatius nobis?

Sed hunc tenet, tenuitq; semper inuitum

Orbis regendi cura, maximi Patris

Amor, bonorum supplices preces, at me

Tam longe abesse tam diu nefas, quare

Valete Syluæ, iam ualete Conualles:—

Ormosa Sylua, uosq; lucidi fontes,

f Et candidarum templa sancta Nympharum

Quam me beatum, quamq; dys putem acceptum,

Si uiuere, & mori in sinu queam uestro.
 Nunc me necessitas acerba longinquas
 A dire terras cogit, & peregrinis
 Corpusculum laboribus fatigare.
 At tu Diana montis istius custos,
 Si sæpe dulci fistula tuas laudes
 Cantavi, & aram floribus coronavi,
 Da cito dea ad tuos redire secessus.
 Sed seu redibo, seu negauerint Parce,
 Dum meminero mei, tui memor uiuam
 Formosa Sylua, uosq; lucidi fontes,
 Et candidarum templa sancta Nympharum: —
 Enisti tandem, tandem mea sola uoluptas
 u Veniſti, & lucem miserę uitamq; tulisti.
 Quantum uere nouo gaudet lasciuia capella,
 A estiuis quantum sitientes imbribus horti,
 Tantum Mopse tuo reditu letatur Hianthis.
 Te sine care puer leto mihi tristior ipso
 Vita fuit, tardoq; dies mihi tardior anno.
 Seu tenebras Vesper, seu lucem ferret Eous,

Me flentem Vesper, flentem cernebat Eous.
Lugebant sylvæ, lugebant mollia prata,
Formosusq; suos amiserat hortus honores,
Et desiderio domini peius omne peribat.
Dicia nunc tecum redierunt gaudia cunctis.
Aspice, te læta pinus complectitur umbra,
Arguto properans te murmure lymp̃ha salutat,
Albaq; purpureum tibi ducunt poma colorem.
Ipsa ego nunc oculos cara satiabo figura,
Discedet macies, discedet corpore pallor,
Et tecum longos peragam feliciter annos.
Seu teneras solito pasces in monte capellas,
Seu patrios fines lingues & pabula nota,
Quidquid ages formose puer, tua cara puella
Tecum semper erit, terras comes ibit in omnes.
Iam didici, quid sit, iuuenem expectare morantem,
Expectans una uel nocte puella senescit:—

STEPHANO SAVLIO.

One metum Sauli, longas iam pone querelas
 p Flaminius ualet, ac lætus tibi carmina dictat.
 Scilicet ut Romæ corruptas fugimus auræ,
 Et riuos patriæ montes, saltusq; salubres
 Venimus, effætos uenit quoq; robur in artus,
 Diffugit macies, diffugit corpore pallor,
 Et somnus uigiles irrepfit blandus ocellos,
 Quem neq; defiliens crepitanti riuulus unda,
 Nec letæa mihi duxere papauera quondam.
 Iam ualeat Romana meo cum principe tellus,
 Certum est in patrijs æuum consumere syluis.
 Si lætus pomis, & uili pascor oliua,
 Et iuuat angusto uitam traducere tecto
 Ignotum, duplici pellentem frigora panno,
 Quid regum turres, & limina magna potentum
 Persequor, & dulcæm dimitto stultus agellum?
 At tu, quem uirtus, generis quem antiqua superbi
 Ad summos iam nobilitas tollebat honores,

Vitaſti ſapiens urbana negocia . nunc te
Lauricomas inter ſyluas , citriosq; nitentes
Muſarum placidæ traducunt ocia uię .
Tu gelidam ſtratus formoſi fontis ad undam ,
Quæ leuiter cultis immurmurat aura uiretis ,
Occultas rerum cauſus , cæliq; meatus ,
Quid deceat , quæ ſint fugienda , ſequendaue , tractas .
Tu magni eloquium Tulli , numerosq; ſecutus
Condis perpetuis manſura uolumina chartis .
Nec tamen irriguos hortos ornare colendo ,
Nec citrium ſerere , aut buxum tondere comantem
Negligis , aut ſedes apibus optare quietas ,
Dulcia diuini decerpens gaudia ruris .
Te iuuenis uenerandæ ſequar , quantumq; benigni
Dij dederint uitæ , contentus paupere tecto
Iam uiuam mihi , ſecretis inglorius aruiſt —

Vid' mirare , tuo ſi regnat corde Lycinna ,
q Nec ceſſat tantis te cruciare malis ?

Crede mihi , non ſolus amas , Veneris puer omnium
Eſt diuum , atq; hominum maxima pernities .
Audiſti

A udisti ne, humeris cælum qui sustulit altis,
 Ausus & inferni regna subire dei?
 Ille idem tanto puerum dilexit amore,
 Ut seu nox alto surgeret oceano,
 Seu roseo terras uestiret lumine Titan,
 Hercule cum magno candidus esset Hylas.
 Nulla dies miserum puero sine uidit amantem,
 Nec cum tergemini corpora Geryonis
 Sterneret, atq; alios inuictus mille labores
 Imperio duri susciperet domini.
 Quin etiam Colchos peteret cum pulcher Iason,
 Amphitryoniadæ tum comes ibat Hylas.
 Ibat Hylas clauamq; gerens lyciamq; pharetram,
 qualis cum molli Parthenice pluuia
 Sat grauis, ac Phæbi radijs aspersa nitentem
 Dat lucem paphiæ rarus honos Veneris.
 Et iam Pleiades cælo caput attollentes
 Linquebant sacras Nereidum choreas,
 Cum Pagasæ curuis e litoribus digressi
 Currebant celeri per uada salsa rate.

Quos amittabantur cinctæ fulgentibus armis

Pallas, & ipsa potens cælicolum domina.

Iamq; uolans undis Nerei mirantibus Argo

Myſorum claris urbibus appulerat.

Hic iuuenes pictis e puppibus egredientes

Deponunt altis membra ſub arboribus.

Et molles ſibi quisq; toros bene olentibus herbis

Extruit, inſoſo creuerat herba ſolo.

At formoſus Hylas taciti per deuia montis

Ibat luciduli ſumere fontis aquam.

Fons erat in Sylua puris argenteus undis,

Quem bicolore tegit populus alta coma,

Ac circum paphiæ denſant umbracula myrtus,

Et parit aſſiduas aura benigna roſas,

Narciſſumq; , crocumq; , immortalemq; amaranthum,

Et te flebilibus ſcriptum Hyacinthe notis.

In medio faciles nudato corpore Nymphæ

Ludebant ſparſis per roſea ora comis,

Quæ puerum cupido miratæ lumine, cum uix

Illius molles tingeret unda pedes,

A preptum subito uitreum traxere sub amnem,

Vt quondam ueris tempore purpurei

S pella uolans cælo noctis delapsa per umbram

Emicat, inq; alto conditur oceano.

T unc lætus clamat summa de puppe magister,

Candida felici pandite uela noto,

P andite, nam cælo superi bona signa dedere,

Sic ait, & placidis per mare fertur aquis.

A t miser Alcides casu perculsus acerbo

Amissum toto littore clamat Hylam,

L itture Hylam, furibundus Hylam per deuia querit,

Qualis thuricremas parua iuuenta deum

C oncidit ante aras, sed fati nescia mater

Non iam frondifero pascitur in nemore,

N ec dulcæm puri libauit fluminis undam,

Sed fertur æleri per nemora alta pede,

O mnia mugitu complens, si forte ueniret

Bucula maternis obuia luminibus.

S ic heros Hyla ingeminans, Hyla omnia replens

Errabat dubio per loca sola pede.

quantas ille fero profudit corde querelas,
Pallenti quantas ore dedit lacrymas.

Cum sæpe optaret scopulo se mittere ab alto,
Aut uitam rapidis ponere fluminibus.

Interea curuo soluens de litore funem
Colchorum fines iuerat Aesonides.

Quem desiderio pueri confectus inani
Mox sequitur lacrymans Amphitryoniades.

Hos tu sollicitos Heroum doctus amores
Disce libens duræ ferre iugum dominæ.

Nec te iam pigeat, quæuis perferre laborem,
Omnis amor longo uincitur obsequio:—

Rgo adeo cæptū peraget mors improba cursum,
e Ut post euersæ tristia fata domus

Me quoq; surripiat primo sub flore iuuenta,
Et nostra exiguus iam tegat ossa lapis.

Dij, quorum auspicio communes hausimus auras,
Parcite nunc uitæ rumpere fila meæ.

Parcite, si uestros suspexi semper honores,
Si nullo infecta est candida mens scelere.

89

Non prius ac cæli cursum confecit, hiberno
Tingit anhelantes gurgite Phæbus equos.
At nunc perpetuam nobis mors pallida noctem
Portæ, & infernos cogit adire lacus,
Et nondum est rugis facies mihi languida, nec dum
Infecit nigras alba senectæ comas.
Sic rosa uix lætum calathi pandebat honorem,
Cum cadit, & rutilo murice pingit humum.
Iane pater, nostræ quondam spes una iuventæ
Iam condes manibus lumina nostra tuis.
Iam me postremo tumuli donabis honore,
Et cupies tantis non superesse malis.
Ast ego secura nequicquam mente parabam
Grandia mox Umbri dicere facta Ducis.
Vt ualidas olim bello deuicerit urbes,
Quem tremuit uictis pulcher Isaurus aquis.
Vt nunc indomitos cætet contundere Iberos,
Italiæq; graui soluere colla iugo.
Hæc heu Persephone supremi nuncia luctus
Vota dedit leuibus diripienda notis.

Sæpe salutifero morbum depellere succo

Tentavi, at nulla cesserat arte dolor.

Sæpe deum supplex clamaui numina, sed non

Audierunt nostras numina surda preces.

Quod si tanta sitis, nostræ si tanta cupido est

Mortis, & effugij spes mihi nulla manet,

Ah liceat saltem elysios inuisere campos,

Et fortunatę regna beata plagę.

Hic ubi cum molli Nemesis formosa Tibullo

Ludit, & est uati Lesbia iuncta suo.

Et mihi, qualis erit, teneris comitata puellis

Occurret celeri candida Lygda pede.

Et dulces dabit amplexus, & basia iunget,

Iunget & optati gaudia coniugij: —

Eu quid ago? morit' mi animus mellita Nigella,

h Ni tibi quam primum basiolum rapio.

At si basiolum rapio, uereor, tibi mecum

Ne sint æternę post inimicitie.

Quæ me non morti modo dent, sed post quoq; mortē

Perpetuo pœnis tristibus excrucient.

*S*ed rapiam, immo non, utrum o anime efficiam, uult
*N*escio, sed tantum sentio, quod pereo.

*N*on si colles, & densæ in collibus umbræ.

I Et qui uos placida Fons rigat ortus aqua,

Si teneros unquam Fauni cælestis amores,

Si uos Nympharum dulcia furta iuuant,

*E*ste boni, ritasq; mihi præbete latebras,

Dum sedet in gremio cura Nigella meo:—

V E N E T I I S.

M D X X I X. M E N S E

D E C E M B.

IMPRESSORVM ERRATA
 SIC CORRIGITO.

Charte. 2. uita lege uitta char. 5. genus, lege genus, char. 7.
 i lices? lege ilices? char. 9. Thetys, lege Tethys, char. 9. So-
 ref, lege Sorex, char. 13. lætas lege letus char. 14. ocellæ le-
 ge ocelle. char. 15. Nam quis malorum heu heu ueterum le-
 ge Nam quis malorum eheu ueterum memor char. 27.
 Hianthis. lege Ianthis char. 28. uine. lege uite. char. 28. cau-
 sus lege causas char. 28. optare lege aptare



BIBLIOTECA DEL SEMINARIO
VESCOVILE DI PORDENONE

N. ingr. _____

40670